

այս գրութիւններով Յակոբ Զուղայեցի էջմփածնի Աթոռին կը դարձնէ գիւղին կալուածները, սակայն որովհետեւ մահմետականները օգտուելով ժամանակին խառնակութենէն, բռնագրաւած էին հողերը, երբեմն կաթողիկոսին կը ներկայանային պահանջելով գիւղին կալուածները: Հայրապետը՝ ոմանց դրամ տալով վերստին կը գնէ իրենց պահանջած հողը և հին գրութիւնները կ'առնէ, ուրիշներ դատի կանչելով սուտ կը հանէ, և ոմանց նուէր տալով իրենցմէ գիր կ'առնէ: Այսպէս կ'ըմբերանէ դատախազները, և իսկապէս Աթոռին կը վերադարձնէ էջմփածնի կալուածները (21):

Յակոբ կաթողիկոս կ'ամբողջացնէ Օշական գիւղին գնումը, զոր մասամբ կատարած էր իր նախորդը, Փիլիպպոս կաթողիկոս: Գնման գործառնութիւնները կ'ընէ անձամբ կամ հետզհետէ իր աթոռականներուն՝ Միքայէլ, Ոնոփրիոս, Ստեփանոս, Մինաս վարդապետներուն միջոցաւ: Յետագային ամէն խնդիր ընդ միշտ խափանելու նպատակաւ, և կաթողիկոսին հրամանով, գործակալները՝ այդ հողերուն միւս պահանջատէրերն ևս կը գոհացնեն գնելով այն թուղթերը, զորս ստացած էին տաճկական տիրապետութեան ընթացքին (22):

(21) Աճդ,

(22) Աճդ 109—111: